

# REFERAT US - Utoqqaat siunnersuisoqatigiiffiat d. 03-10-2023

**Mødedato** Tirsdag d. 03. oktober 2023 kl. 19:00

**Mødested** Kommunalbestyrelsep ataatsimiittarfia

# Indholdsfortegnelse

Imaqarniliaq.....	3
-------------------	---

**Punkt .: Imaqarniliaq**

Utoqqaat pillugit Siunnersuisoqatigiit ataatsimiinneranni oqaluuserisassat

*Marlunngorneq ulloq 03. oktobari, nal. 15:00.*  
*Suliffeqarnermut Isumaginninnermullu Ingerlatsivik*

**Ataatsimeeqataasut ukuupput:**

Marianne Jensen, siulittaasoq  
Kirsten Holm, ilaasortaq  
Jakob Thorsen, ilaasortaq  
Daniel Blytmann, ilaasortaq  
Birthe Nielsen, ilaasortaq  
Kaj Kleist, sinniisoq

**Najuuttussaataasut:**

Karen Lund Mølgaard, utoqqarnut suliassaqaqfimmi pisortaq  
Mie Skou Larsen, allatsi

**Oqaluuserisassat:**

**1. Oqaluuserisassat akuerineqarnerat**

Oqaluuserisassat akuerineqarput.

**2. Tikilluaqqusineq ilisareqatigiinnerlu.**

Utoqqaat pillugit siunnersuisooqatigiinni ilaasortat atorfilittallu najuuttut imminnut ilisaritipput

**3. Ilisimatitseqatigiinneq**

**3.1 Siulittaasumit**

**3.1.1. Utoqqarnik misissuineq**

Utoqqaat pillugit siunnersuisooqatigiit kissaateqarnerisigut utoqqarnik misissuineq aallartinneqarpoq. Utoqqaat atugaannik kisitsisit atorlugit misissuinerup saniatigut sap.ak. 40-mi kommune tamakkerlugu 67-ileereersunut tamanut apeqqutit siullit nassiunneqassapput. Apeqqutit nassiunneqarnerinut atatillugu aamma tusagassiutitigut nalunaaruteqartoqassaaq.

### **3.1.2. Utoqqaat pillugit siunnersuisooqatigiit politikikkut sunniuteqarsinnaanerat**

Utoqqaat pillugit siunnersuisooqatigiit uku aallaqqaammulli isumaqatigiissutigaaat sapinngisaminnik sulinertik utoqqaat atugaannik pitsanngorsaataasussamik sunniuteqarniartuussasoq. Utoqqaat pillugit siunnersuisooqatigiit kommunip Suliffeqarnermut Isumaginninnermullu Ataatsimiititaanik 2022-mi decembarip 6-ianni oqaloqatigiinnertalimmik ukiumoortumik ataatsimeeqateqarnerminni pingaarnersiukkat pingasut innersuussutit saqqummiuppaat.

Tamatuma saniatigut Utoqqaat pillugit siunnersuisooqatigiit ajornartorsiutitut isigaat, utoqqaat pisinnaasartik soqutigisartillu aallaavigalugit akissarsiorsinnaaneq amerlasuutigut imminut akilersinnaaneq ajormat – pingaartumik nunatsinni maannakkut sulisussaaleqinerujussuaq eqqarsaatigalugu. Una suliaq kommunimuinnaanngitsoq aammali Namminersorlutik Oqartussanut suliassaavoq. Tamanna pillugu siulittaasup Naalakkersuisut apeqqutiqarfigai, utoqqalinersiallit akissarsiaqaatigalugu sulinermi ilanngaataasartut atorunnaarsinneqarsinnaannginnersut, soorlu Danmarkimi nutaatut tamanna atuutilersinneqartoq.

Tamatuma saniatigut siulittaasup periarfissaq atorluarlugu Inatsisartuni ilaasortat Inuit Ataqaatigiinneersut soraarfiup kingorna Katuami ataasinngornermi ulloq 2023-mi oktobarip aappaanni innuttaasunik naapititsinerannut orniguppoq. Siulittaasup ilaatigut Aningaasaqarnermut Ataatsimiititaliami siulittaasooq oqaloqatigaa, taassumalu ilisimatitsissutigaa, utoqqalinersiat ilanngaaserneqartarnerata atorunnaarsinneqarnissaanik siunnersuut 2024-mi aningaasanut inatsisissap Inatsisartuni aappassaaneernejarnerani saqqummiunneqarnissaa naatsorsuutigineqartoq. Tamatuma saniatigut aamma Naalakkersuisut pilersuisussaaqatigiinnermik pisussaaffeqarnerup atorunnaarsinneqarnissaanik siunnersuuteqarnikuupput.

### **3.1.3. Utoqqaat ataatsimoorussamik najugaqarfiat**

Utoqqaat pillugit siunnersuisooqatigiinnit innersuussutit pingasuusut Suliffeqarnermut Isumaginninnermullu Ataatsimiititamik 2022-mi decembarip 6-ianni oqaloqatigiinnertalimmik ukiumoortumik ataatsimeeqatigiinnermi saqqummiunneqartut ilagaat, utoqqarnut ataatsimoortumik najugaqarfeqalernissamik kissaateqarneq. Tamannalumi aamma Kommunalbestyrelsimit tigulluarneqarpoq. Utoqqarnik suliassaqarfimmi pisortap ilisimatitsissutigaa, suliap ingerlateriaqqinnissaanut aningaasalersueriaasissap ilusilerneqarnissaanut Namminersorlutik Oqartussanik isumaqatiginninniarnaq utaqqimaarneqartoq.



Naalakkersuisut utoqqaat pillugit periusissiaanni Naalakkersuisut aamma oqariartuutigaat suliamut piumassuseqarlualutik. Siulittaasoq qinnuteqarpoq, kommunip Namminersorlutillu Oqartussat isumaqatiginninnialinnginnerini Utoqqaat pillugit siunnersuisooqatigiinni ilaasortamik allamik peqateqarluni borgmesterimut aamma Ineqarnermut Naalakkersuisumut kiisalu Isumaginninnermut Suliffeqarnermullu Naalakkersuisumut Utoqqaat pillugit siunnersuisooqatigiinni utoqqaat ataatsimoorussamik najugaqarfeqalernissamik eqqarsaateqarnermik saqqummiussinissamut piginnaatinneqarnissamik. Tamanna Utoqqaat pillugit siunnersuisooqatigiinniit akuerineqarpoq.

### 3.2. Ingerlatsivimmit

Karen Lund Mølgaard utoqqarnut tunngasunik suliassaqarfimmi killiffimmik ilisimatitsissuteqarpoq, ukuusunik:

- Angerlarsimaffimmi ikiortit pillorissaasut timimillu sungiusaasut suleqatigiit suleqatigalugit utoqqaat aalassarinnerulernissaannut digitalikkut piginnaangorsaalluni angerlarsimaffimmi sungiusaaneq ingerlanneqassaaq. Tamatuma saniatigut pillorissaasut timimillu sungiusaasut suleqatigiit inuunerissaarnerulersitsinissamut teknologimik atortorissaarutinut tunngasunik suleqatigiittarneq nalinginnaasuuvoq.
- Oqaloqatiginneriaatsimut ikiueqqaarnermullu pikkorissarneq sapaatip akunnerani tullermi Paamiuni Nuummilu ingerlanneqassapput.
- Oktobarip aallaqqaataani utoqqarnut immikkoortortaqaarfimmi aqutsisumik atorfinitsitsisoqarpoq.
- Utoqqarnut tunngasumik inatsisissaq pillugu ingerlatsivimmiit naalakkersuisoqarfimmik sapaatip akunnera kingullermi ataatsimeeqatiginnittoqarpoq. Qanoq imaqarnersoq suli paasinarsinngilaq tusarniuteqartoqassaarli. Ingerlatsivimmiit kissaatigineqarpoq, tusarniummut akissuteqarnissamut nalinginnaasumiit sivisunerusumik periarfissiisoqassasoq
- Folketingip § 71-imut ataatsimiititaliaa utoqqarnut paaqqutarinnittarfinni pissaanermik atuisarneq pillugu nakkutilliarlorluni Nuummiinnikuuvoq.
- Katuaq isumaqatigineqarnikuuvoq, utoqqaat illuini najugallit utoqqaat filmeriartinneqarsinnaasut.
- Utoqqaat pillugit siunnersuisooqatigiit sulisussaaleqinermi ajornartorsiutinik imaannangitsunik suli unammilligassaqarput, tamannalu akissaatilunermik aallaaveqarpoq, kommunip susassaqaafiata avataanut tunngasoq.



### 3.3.Allanit

Sulisussaaleqinerup qaangerniarneranut atatillugu nunanit allaneersunik atorfinitsitsisoqarsinnaanera oqallisigineqarpoq.

#### 4. Sektorplanip nutarterneranut atatillugu allannguutissanik siunnersuutit.

- a. Siulittaasup siunnersuutigaa, taanna immikkoortortamut pilersaarummi najugaqatigiiffinnut tunngasumi immikkoortumut ilanngunneqassasoq:

”Utoqqarnut najugaqatigiiffik:

Utoqqarnut nammineersinnaasunut inissiaq, immaqqa ikorfartorteqarluni, paaqqutarisariaanngitsunullu. Utoqqaat/utoqqaat aappariit kikkulluunniit namminerisaminnik najugaqassapput, ininik ataatsimoorfinnik illunilluunniit ataatsimoorfinnik atuisinnaatitaallutik. Najugaqatigiiffiit utoqqarnoortuussapput qitornaminnik najugaqateqanngitsunut, peqatigiillutik suliassat sammisassallu aalluttassallugit. Najugaqatigiiffik nalinginnaasutut attartortittagaasinnaavoq imaluunniit utoqqarnut piginneqatigiilluni inissiaasinnaalluni.”

- b. Birthe Nielsen innersuussuteqarpoq, utoqqaat illuanni puiguttorsimasunut immikkoortortaliornissamut sanaartornermut ilisimatusarfik suleqatigineqassasoq.
- c. Allatsi ilisimatitsivoq, Utoqqaat pillugit immikkoortumut pilersaarut naammasseriarpas tamanut tusarniutigineqassasoq.

#### 5. Sermersooq Nuuk Kommuneani utoqqaat illuini najugagartut ilagisaalu, najugaqartut malitassaateqanngitsumik nassuiaanissai kissaatigineqarpoq.

Kirsten Holm isumaqarpoq, Ippiarsummi init inoqanngitsut amerlavallaarujussuartut.

Karen Lund Mølgaard ilisimatitsivoq, utaqqisuni allattorsimasuutit ikilisinniarlugit utoqqaat illuini utoqqarnik toqusoqarsimatillugu toqusimasup pigisaanut eqqartuussivikkoortussanut toqqorsiveqarnissaq periarfissaasoq.

#### 6. Suliffeqarnermut Isumaginninnermullu ataatsimiititaliamit ukiumoortumik ataatsimeeqateqarneq. SIA—mik ataatsimeeqateqarnissamut anguniagassatut siunnersuutit nutaat.

Siulittaasooq ilisimatitsivoq, Utoqqaat pillugit siunnersuisooqatigiit naatsorsuutigigaat

Suliffeqarnermut Isumaginninnermullu Ataatsimiititaliamik ukiumoortumik

ataatsimeeqateqarnissaq ukioq naatinngu pissasoq. Siulittaasup nuannaarutigalugu



oqaatigaa, Utoqqaat pillugit siunnersuisooqatigiinnit siunnersuutit pingasuusut tamarmik kommunalbestyrelsimit tigulluarneqarsimmamata taakkulu tamakkerlutik sulissutigineqalersimmamata. Taamaattumik Utoqqaat pillugit siunnersuisooqatigiit ataatsimiititamut saqqummiussassanik nutaanik Utoqqaat pillugit siunnersuisooqatigiit anguniagalioqqissinnaalerput. Pingaarnersiuiinissamut Utoqqaat pillugit siunnersuisooqatigiinni ataatsimiinnermi uani tullianilu tamanna eqqartorneqassaaq. Ullormut ataatsimiiffissamut tunngatillugu allatsi misissuivoq.

Marianne Jensen isumaqarpoq, utoqqarnut inissiat pitsaanerusut pillugit Birthe Nielsenip siunnersuutaa Utoqqaat pillugit siunnersuisooqatigiit nutaamik anguniagassaannut ilanngullugu allanneqarallarsinnaasoq. Kommuneqarfik Sermersuumi utoqqarnut inissiat kommunit sinnerini utoqqarnut inissianut sanilliullugu ajornerupput.

Birthe Nielsen kissaateqarpoq, aputaajaanermut utoqqaat nammineq aningaasartuuteqannginnissaat pillugu aputaajaasarneq kissaatinut ilanngullugu allanneqassasoq.

Jakob Thorsen siunnersuuteqarpoq, utoqqarnut inissiaanik iluarsartuussinermut atatillugu utoqqarnut tapiissuteqartoqarsinnaanera oqaluuserineqassasoq.

Marianne Jensen siunnersuuteqarpoq, utoqqarnut tunngasunik suliassaqarfimmi aalajaatsunik sulisoqarnissamut pitsanngorsaattissanik politikikkut suliniuteqartoqassasoq.

Kirsten Holm ilanngullugu oqaatigaa, utoqqaat illuini pingaartumik sapaatit akunnerisa naanerini sulisussaaleqineq pisartog.

Kaj Kleist isumaqarpoq, Utoqqaat pillugit siunnersuisooqatigiit aamma politikkerinut utoqqarnut tunngasuni ajornartorsiutinik uparuaassuteqaqataassasoq, taamaalillutik aningaasaliissuteqarnerminni utoqqaat pisariaqartitaannik pingaarnersiuiinissammata.

Marianne Jensen ingerlatsivimmut piumasaqarpoq, sanaartugassanut immikkoortorta qarfik piumaffigissagaat, kommunimi utoqqarnut tunngasunik sanaartugassanut pilersaarutinik Utoqqaat pillugit siunnersuisooqatigiit tulliani ataatsimiinnerani ilisimatitsissuteqassasut. Taamaalilluni Utoqqaat pillugit siunnersuisooqatigiit sanaartugassatut pilersaarutaareersunik siunnersuuteqartuunnginniassammat.

## **7. Utoqqaat pillugit politikki – nalilersuineq**

Oqaluuserisassaq ataatsimiinnissamut tullermut kinguartinneqarpoq.

## 8. Taasariaqartut allat

### a. Sinnisutut ataatsimiinnermi peqataasarneq

Marianne Jensenip ilisimatitsissutigaa, Kommunalbestyrelse Utoqqaat pillugit siunnersuisooqatigiinnut sinnisussanik 4-nik toqqaasimasoq.

Aalajangerneqarpoq, sinnisussat marluk soorlu siusinnerusoq assigalugu -

Nuummiit sinnisoq ataaseq aamma Paamiuni sinnisoq ataaseq - ataatsimiinnermi peqataanissamut aggersarneqartalissasut.

### b. Siulittaasup tullianik qinersineq

Birthe Nielsen siulittaasup tulliatut qinerneqarpoq.

